

奉天通志

十二箇之四

奉天通志卷一百七十三

人物志

方志爲地方史其體一如國史國史以人爲主故有紀傳志表之分方志以事爲主故皆稱志然大事志則如本紀人物志則如列傳其他諸志亦與志表同源異流名曰方志實史體也茲志奉省人物雖依舊志之例仍以人物爲大名而子曰則標勳閥鄉宦鄉獻忠節孝義材武文學行誼藝術列女流寓方技諸目則又各從其類取便考覽傳鄉宦而不足輔之以表爲其繁也抑奉省人物莫多於清代亦莫繁於清代何也蓋往代書缺有間可紀之人寥若晨星旁徵博考猶懼其遺故無去取之可言至清代則不然宗室王公之外凡隸八旗諸氏有滿蒙漢之分滿洲遠承金源系出

女真其稱地望咸標長白溯自清祖肇跡興京進據遼瀋中間經百餘年凡屬滿洲大姓皆奉天之望族也蒙古聚族於口北似與滿洲有別然自清初編練旗軍其族之入旗者多移居瀋陽是亦奉人之一若夫漢軍八旗胥爲久居於遼瀋之漢人故編奉志多載旗籍諸氏是爲不忘其本人莫得從而議之也然尙有不可一概論者蓋自世祖定鼎北京宗室王公八旗子弟從龍入關一往不返且分撥各省駐防有反客爲主之勢溯其遠祖固悉隸奉籍循其支系實散居各地儻一一取而載之非惟繁不勝書抑亦斷限難明矣或謂清修八旗通志專志八旗文獻以示別於齊民繇是各省通志向例不載八旗是也然八旗通志迄未續修文獻無徵正宜輯入奉志以彌其缺此亦不然八旗文獻待綜輯者非僅

人物一項奉志欲取而悉載之顧此失彼勢不能也鄉邦諸賢之籍里甚明者既已悉加綜錄其從龍入關暨駐防各省之八旗子弟雖亦有錄入者而以有明文可考者爲斷否則概不之取至於綜輯八旗人物纖悉靡遺則請俟諸異日而此志不與焉述人物志第十八凡得五十卷

人物一

勳閥

勳閥一

自公孫氏列爲藩服威行海外遼東之地始以人顯厥後前燕後燕元魏高齊割據一方其位列王侯分茅胙土者代有其人迄遼金元以及有清皆起自北方此邦遂爲京國重地比之豐沛南陽於是人材蔚起乘時樹勳功名勒之鼎鐘爵秩列在五等更復不

卷一百一十三  
二  
眇矣是邦家之光非止一省之榮也爰述勳閥

漢

公孫度

燕

慕容翰

慕容恪

慕容溫

慕容農

慕容鍾

慕容惠

高策

北魏

安同

安原

安頡

安睹

安國  
安難

高潛

高崇

高謙之

子子儒

高恭之

豆盧精

子勝

韓秀

子務

孫紹

晁暉

晁繼

谷渾

盧魯元

慕容白曜

慕容契

屈遵

屈恆

韓麒麟

韓顯宗

韓子熙

李元護

北齊

可朱渾元

韓永興

後周

李弼

李暉

李綸

豆盧寧

弟永恩

豆盧勣

豆盧通

庫狄峙

王盟

王勵

王懋

王顯

韓護

隋

李衍

子仲威

高頴

唐

李密

屈突通

劉政會

度地稽

李謹行

李多祚

泉男生

尙可孤

李楷洛

李光弼

李彙

李光進

李楷固

駱務整

王思禮

侯希逸

李泌

李澄

李克寧

李正己

李洧

李寶臣

遼

耶律倍

耶律道隱

耶律安端

耶律賢適

吳匡嗣

室昉

金

王伯龍

曹勇義

蕭仲恭

赫舍哩良弼

張浩

張汝霖

汝猷爲汝方

李石

子獻可

高楨

高思廉

伊喇道

鈕祜祿額特埒

瓜爾佳衡

元

耶律楚材

耶律鑄

耶律希亮

田雄

田大明

王克敬

高宣

高天錫

高諒

達實布哈

明

吳成

高成

李成梁

漢

公孫度

字升濟漢遼東襄平人父延避吏居玄菟度爲郡吏後

舉有道累遷遼東太守東伐高驪西擊烏桓南越海取東萊威

行海外分遼東郡爲遼西中遼郡置太守東萊諸郡置營州刺史自立遼東侯平州牧建安九年曹操表爲武威將軍封永寧鄉侯度曰我王遼東何永寧也藏印綬武庫度死子康立十二年操擊斬烏桓蹋頓降者二十餘萬封襄平侯拜左將軍康卒衆立康弟恭爲遼東太守

三國志

燕

慕容翰 字元邕廐之庶長子永嘉三年遼東太守龐本以私憾殺東夷校尉李臻遼東鮮卑素喜連木丸津等因欲爲亂翰言於廐曰宜合義兵問連津之罪興復遼東併吞二部廐從之以翰爲前鋒率騎東擊連津破斬之立遼東郡而歸於晉廐復遣翰攻段疾陸眷遂鎮徒河壁青山及鎮遼東撫安民人甚有威

惠

晉書載  
記第九

慕容恪 字元恭 皝之第四子 從皝征伐 臨機多奇策 使爲遼東

鎮將 甚有威惠 及伐扶餘 身當矢石 摧鋒而進 所嚮輒潰

盛京通志

名

慕容儁 以恪爲侍中 封太原王 暉立 恪總攝朝政 卒 長子楷

襲從垂爲兗州刺史 次子紹爲青州刺史

晉書

慕容溫 儁第四子 吳王垂中興 封爲樂浪王 使屯中山 兵力甚

弱 溫撫舊招新 勸課農桑 歸附者相繼 爭送軍糧 翟真夜襲中

山 溫擊破之 乃遣兵運糧以餉垂 兼營宮室 及垂自鄴如中山

謂衆將曰 樂浪王招流散 實倉廩 外給軍餉 內營宮室 雖古蕭

何何以加之 乃定都焉

晉書

慕容農 垂之第三子 初高句驪爲寇 遼東玄菟遂沒 農進伐高

句驪克之復遼東立菟二郡及慕容垂立國封農爲遼西王在

龍城五年庶政修舉後召還以慕容隆代之隆因農舊規修而

廣之遼碣遂安

盛京通志  
名宦一

慕容鍾 字道明南燕主德之從弟少有識量喜怒不形於色臨

難對敵智勇兼濟累進奇策德用之頗中遂爲佐命元勛封北

地王後被譖奔姚興爲始平太守歸義侯

晉書載記  
二十八

慕容惠 南燕主德時仕至司徒後封樂浪王

高策 遼東新昌人仕北燕馮跋爲散騎常侍以功封新昌侯子

育爲建德令魏太武東討率衆來歸授建忠將軍齊郡建德二

郡太守賜爵肥如子育子元起仕至武邑太守

遼海志略

北魏

安同 遼東人歷魏至晉避亂遼東遂家焉同性端嚴明惠登國  
初魏太祖徵兵於慕容垂同奉使稱旨從征姚平於柴壁進計  
截汾曲爲南北浮橋乘西岸築圍姚興至遂不能救以功封北  
新侯明元卽位命同持節徇察并定二州宣詔撫慰糾舉守宰  
不法郡國肅然及太武監國以同與長孫嵩奚斤崔宏等八人

共聽政同在官明察長於校練家法修整爲世所稱卒贈高陽

王諡恭惠

魏書  
列傳

安原 同之子明元時鎮撫雲中寬和愛下甚得衆心蠕蠕犯塞

輒摧破之賜爵武原侯太武卽位拜駕部尙書進爵河間公弟

聰爲內侍

魏書  
列傳

安頡 原之子有父風太祖初爲內侍長令察舉百僚糾刺無所

避宜城王奚斤追夏主赫連昌至安定馬疫糧乏爲所敗頡時  
爲監軍欲決死戰斤言馬少欲待救騎頡曰兵疲力屈士有飢  
色下不一決戰則死在旦夕何救之可待等死當戰死寧可坐  
受囚乎斤猶不從頡與尉眷等謀選騎待之昌來攻壘頡出力  
戰擒昌送京師賜爵西平公攻宋拔洛陽潰虎牢降萬餘戶頡  
爲將善綏士衆及卒降者無不歎惜神麋四年贈王爵諡曰襄  
弟薩爲龍驤將軍給事黃門侍郎賜爵廣宗侯

魏書  
列傳

安睹

安國

安難

睹同之弟明元時爲樂陵太守子國仕至冠

軍將軍賜爵北平侯杏城鎮將國之弟難幼有巧思初從杜超  
南伐宋以功爲清河太守太武時諸將頻征和龍皆以難爲長  
史鑿山堙谷省力兼功遷給事中從駕南征造浮橋於河以功

賜清河子卒子平城襲爵官至虞曹令

魏書列傳

高潛 遼東人三世祖撫渤海人晉永嘉中避亂居高麗潛於獻

文初歸魏賜爵開陽男

北史作陽關男

居遼東詔以沮渠牧犍女賜潛

爲妻封武威公主拜駙馬都尉加寧遠將軍子崇

魏書

高崇 字積善少聰敏以端謹稱徵爲中散稍遷尙書三公郎家

資富厚僮僕千餘而崇志尙儉素車馬器物充事而已初崇舅

氏絕嗣公主遂以崇繼牧犍後改姓沮渠景明初啟復本姓襲

父爵遷領軍長史伏波將軍洛陽令爲政清斷吏民畏其威每

有發摘不避彊禦縣內肅然嘗謂人曰仲尼四科德行爲首人

能立身約己不忘典訓斯已足矣卒贈滄州刺史諡曰成

高謙之

子子儒

謙之字道讓崇之子事後母以孝聞及長專意

經史天文圖緯之書多所該涉襲父爵孝昌初行河陰令有人  
囊盛瓦礫指作錢物詐市人馬詔令追捕謙之乃僞枷一囚宣  
言是詐馬賊密遣人察市中有二人私議曰無復憂矣執送按  
問悉獲其黨除寧遠將軍正河陰令在縣二年損益治體多爲  
故事時佞幸寵要皆嫉謙之乃除爲國子博士與袁翻常景酈  
道元溫子昇等咸申款舊好施贍恤言諾無虧以父舅氏沮渠  
蒙遜曾據涼土國書漏缺乃修涼書十卷行於世爲論貶佛世  
競以佛理來難謙之還以佛理對之竟不能屈又以時所行曆  
多未盡善撰爲一家之法議者歎其多能後爲李神軌所讒賜  
死永安中贈營州刺史諡曰康妻中山張氏教諸子曰自我爲  
汝家婦未見汝父一日不讀書汝等宜各修勤勿替先業長子

子儒字孝禮元顥入洛孝莊北巡子儒踰河至行宮備陳元顥敗在旦夕孝莊以大慰己意授祕書郎進司徒中兵參軍襲爵興和初除殿中侍御史時四方多有流民子儒爲梁州北豫西兗三州檢戶使安集甚衆次子緒字叔宗繼弟慎之爲後仕至冀州參軍爲府主封隆之所賞隆之行梁州冀州恆令總攝數郡次孝貞武定中司徒士曹參軍次孝幹司空東閣祭酒

魏書

高恭之字道穆謙之之弟所交皆名儁幼孤事兄如父母正光中爲御史糾摘不避權豪孝莊卽位賜龍城侯除太尉長史加前將軍及元顥逼虎牢或勸孝莊赴關西恭之曰關中荒殘何可往請車駕北渡循河東下號召諸軍一向虎牢一赴河內爲掎角勢孝莊然之夜至河內令恭之作詔書布告於四方知乘

輿所在孝莊復辟除御史中尉仍兼黃門恭之外執直繩內參  
機密凡益國利人之事必以奏聞諫爭無所顧憚改鑄錢貨編  
次圖典選用御史皆當世名流人服其有知人之鑒後爲爾朱  
世隆所害太昌中贈車騎大將軍儀同三司雍州刺史子士鏡  
襲爵爲北豫州刺史

魏書

豆盧精

子勝

昌黎棘城人本姓慕容氏廐弟平西王運生臨漳

侯制制生精爲右衛將軍北地王長子醜次子勝以皇始初歸  
魏北人謂歸義爲豆盧因賜以爲氏勝仕至長樂郡守勝之孫

魯元仕至太保封襄城公

遼海志略

韓秀

子務

昌黎人秀字白虎祖宰仕慕容儁爲謁者僕射父昞

皇始初歸魏拜宣威將軍騎都尉秀有文學歷尙書郎賜遂昌